

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar Generalni inspektor Fatmir Hajdarević, (u daljem tekstu Ugovorni organ)

i

„EURO INSPEKT“ d.o.o. Sarajevo, Hamdije Kreševljakovića broj 16, ID: 4200330020001, koga zastupa direktor Kolašinac Edin (u daljem tekstu: Dobavljač)

UGOVOR O NABAVCI USLUGA LABARATORIJSKE I VIZUELNE KONTROLE DIJELOVA UNIFORME I OBUČE KOD AKREDITOVANE LABARATORIJE

Član 1.

Predmet ovog Ugovora je nabavka usluga labaratorijske i vizuelne kontrole dijelova uniforme i obuče, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu Odluke broj: 02-11-4-1769/25, od 25.03.2025. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i stvarnim potrebama Ugovornog organa.

Ponuda dobavljača broj 30/25 od 16.04.2025. godine, sastavni je dio ovog Ugovora.

Član 2.

Ukupna vrijednost ovog Ugovora bez PDV-a iznosi:

- 25.599,48 (dvadesetpethiljadapetstotinadevedesetdevet i 48/100) KM.

Dobavljač se obavezuje na nepromjenjivost ponuđenih cijena tokom cijelog ugovorenog perioda.

Član 3.

Dobavljač se obavezuje da će u roku od deset (10) dana od dana obostrano potpisanog Ugovora dostaviti garanciju za uredno izvršenje Ugovora u obliku безусловne bankarske garancije u iznosu od 5% od vrijednosti Ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku koji je odredio Ugovorni organ, zaključeni Ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza ugovora.

Član 5.

Dobavljač se obavezuje da će usluge laboratorijske i vizuelne kontrole izvršavati najkasnije u roku od 15 (petnaest) dana od dana dostave pojedinog uzorka koji se šalje na laboratorijsku i vizuelnu kontrolu.

Član 6.

Nakon izvršene usluge koja je predmet ovog Ugovora, odnosno nakon laboratorijske i vizuelne kontrole pojedinog dostavljenog uzorka, Dobavljač se obavezuje dostaviti izvještaj o laboratorijskoj i vizuelnoj kontroli dostavljenog uzorka ili drugi odgovarajući dokument.

Izvještaj ili drugi odgovarajući dokument o izvršenoj laboratorijskoj kontroli mora da obuhvati sve materijale od kojih je sačinjen gotov proizvod a koji su navedeni u Tehničkoj specifikaciji koja je data kao dodatak Tenderskoj dokumentaciji, odnosno sve parametre navedene u tehničkoj specifikaciji i da obavezno sadrži zaključak u pogledu ispunjavanja navedenih tehničkih karakteristika.

Izvještaj ili drugi odgovarajući dokument o izvršenoj vizuelnoj kontroli proizvoda mora da sadrži zaključak u pogledu ispunjavanja opisnih (vizuelnih) tehničkih karakteristika navedenih u Tehničkoj specifikaciji koja je data kao dodatak Tenderskoj dokumentaciji.

O izvršenoj usluzi odnosno laboratorijskoj i vizuelnoj kontroli pojedinog uzorka bit će sačinjen zapisnik o kvalitativnom i kvantitativnom prijemu izvršenih usluga (čiji će sastavni dio biti Izvještaj ili drugi odgovarajući dokument o izvršenoj laboratorijskoj i vizuelnoj kontroli). Zapisnik se sačinjava u 2 istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Član 7.

Dobavljač se obavezuje priznati reklamaciju na kvantitet i kvalitet izvršene usluge, koja će biti proračunata zapisnikom o reklamaciji, uz obavezno navođenje nedostataka izvršene usluge i datuma i broja računa Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovornih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Usluga će se smatrati uredno izvršenom tek kada u zapisniku o prijemu bude konstatovano da je primopredaja izvršena bez primjedbi.

Član 8.

Usluge će se izvršavati po dostavljenim pojedinim uzorcima za laboratorijsku i vizuelnu kontrolu od strane Ugovornog organa.

Dobavljač će po obavljenoj laboratorijskoj i vizuelnoj kontroli pojedinog dostavljenog uzorka ispostavljati fakture za izvršene usluge.

Plaćanje će se vršiti u roku od 30 (trideset) dana od dana i dostavljanja uredne, ispravne i originalne mjesečne fakture, na tekući račun Dobavljača.

Uslovi plaćanja i drugi uslovi koje Dobavljač jednostrano unese u fakturu ne obavezuju Ugovorni organ ni onda kada je fakturu primio, a nije joj prigovorio.

Član 9.

Ugovorni organ je dužan dostaviti pismeno obavještenje o svakom propustu Dobavljača, a u skladu sa zapisnikom o reklamaciji iz člana 4. i 5. ovog Ugovora, te u skladu sa preuzetim obavezama po osnovu ovog Ugovora.

Ugovorni organ će utvrditi razuman rok za ispravak propusta Dobavljača u smislu izvršene usluge.

Ukoliko Dobavljač ne postupi po pismenom obavještenju iz stava (1) ovog člana ni u naknadno ostavljenom razumnom roku Ugovorni organ će jednostrano raskinuti ovaj ugovor i tražiti naknadu nastale štete. O otkazu ugovorne strane se obavještavaju pismenim putem.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Član 10.

U slučaju kašnjenja u pružanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 0,01% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 11.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 12.

Ugovorni organ zadržava pravo raskida ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 13.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 14.

Ugovorni organ zadržava pravo da u slučaju kašnjenja ili neizvršenja ugovorenih obaveza ovaj Ugovor raskine. Ugovorne strane mogu raskinuti ovaj ugovor i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom ugovoru. Otkazni rok je 15 (petnaest) dana, a po isteku ovog roka Ugovor se smatra raskinutim. O otkazu ugovorne strane se obavještavaju pismenim putem.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj Ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospelje obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenja o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 15.

Na sva pitanja koja nisu regulisana ovim Ugovorom, primjenjivat će se odredbe Zakona o obligacionim odnosima.

Član 16.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 17.

Ugovor stupa na snagu danom potpisivanja ovlaštenih predstavnika ugovornih strana i traje do uredne realizacije ugovorenih obaveza ugovornih strana.

Član 18.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ
„EURO INSPEKT“ d.o.o. Sarajevo

direktor Kolašinac E.  SARAJEVO
1

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj : 113/25
Datum: 26.05.2025. godine

Broj : 02-11-4-1769-7/25
Datum: 26.05.2025. godine